

STATÜTS DA LA SOCIETÀ DA PES-CHÄDERS ZERNEZ



MERA

Art. 1

La Società da pes-chaders Zernez fuorma üna secziun da la Società chantunala da pes-chaders. Ella ha per mera la chüra e promoziun dals interess da seis commembers, da la pes-cha in general sco eir da la fauna e da l'ambient intuorn las ovas da pes-cha. Ella sustegna las tendenzas da la Società chantunala da pes-chaders e da las autoritats, per cumbatter cunter mancanaints e defets illa pes-cha e promouva la cultivaziun dals peschs i' ls cuntuorns da la società. Ella cultiva lamicizcha e la sociabilità tanter ils commembers.

La società es confessiunalmaing e politicamaing neutrala.

COMMEMBERS

Art. 2

La società as consida da:

- a) commembers onuraris
 - b) commembers libers / veterans
 - c) commembers activs
 - d) commembers passivs
- a) Commembers passivs / donatuors sco commembers onuraris pon gnir tschernüts da la radunanza generala sün proposta da la suprastanza, persunas chi s'han acquistadas in merits particulars visavi la Società da pes-chäders Zernez. Els giodan tuot ils drets dals commembers activs, sun però deliberats da la contribuziun annuala.
- b) Sco commembers libers / veterans vegnan nomnats commembers chi han fat part a nossa società dūrant 25 ons ed han accumulì il 60avel anniversari. Els giodan tuot ils drets sco' ls commembers onuraris, sun però obliats da pajar la contribuziun chantunala.
- c) Commemember activ po esser minchün chi ha tenor la ledscha chantunala da pescha il dret da retrar la patentà e chi arcugnuoscha ils statüts da la Società da peschäders Zernez.
- d) Persunas chi sustegnan las miras da la società pon gnir tuttas sü sco commembers passivs o donatuors.
Quistas persunas nun han però ingün dret da vuschär.

Art. 3

Las sortidas da la società vegnan pajadas cun trär aint las cuntribuziuns anualas da commembers activs e da donaziuns voluntarias dals commembers passivs. La contribuziun vegn decissa da la radunanza generala.

Art. 4

Mincha commemember nouv survain ils statüts da la società gratuitamaing.

Art. 5

Ils drets e dovairs cumainzan davo avair pajà la pruma contribuziun.

Art. 6

Commembers chi surpassan ils uordens stipulats aint ils statüts o chi cuntrafan in l'una o l'otra maniera als interess da la società pon gnir exclus da la società sün proposta da la suprastanza tras la radunanza generala. Per ün' exclusiun faja dabsögn da duos terz da las vuschs.

Art. 7

Commembers da la società ston pajär lur cuntribuziun fin ils 30 lügl da l' on curraint. Persunas chi nu pagan lur cuntribuziun annuala, eir davo ün' admoniziun vegnan automaticamaing exclusas da la società.

Cull' exclusiun finischan tuot ils drets invers la Società da pes-chäders Zernez.

ORGANISAZIUN

Art. 8

Ils organs da la società sun:

- a) la radunanza generala
- b) la suprastanza
- c) ils revisuors da quint

Art. 9

La radunanza generala ha lö minch'on fin il plü tard la fin d'avrigl e sto gnir banida il plü tard trais eivnas ouravant.

Tractandas regularas da quista sun:

1. Appel ed elecziun dals scrutinaduors
2. Approvaziun dals protocols da l'ultima radunanza generala
3. Rapport annual dal president
4. Rendaquint dal chaschier
5. Rapport dals revisuors cun dis-chargi dal chaschier
6. Tscherna da la suprastanza e dals revisuors da quint
7. Cuntribuziun annuala
8. Onurificaziuns
9. Decisiun da trattar propostas inoltradas
10. Program da l'on
11. Varia

La radunanza generala po decider davart propostas da commembers. Quellas ston esser gnüdas inoltradas in scrit ed almain duos eivnas avant il termin da la radunanza generala. Scha quai nun es stat il cas das-cha la radunanza decider be scha duos terzs dals preschaints commembers decidan da schi. In cas da bsögn das-cha la suprastanza o ils commembers clamar aint radunanzas extraordinarias però be scha almain 10 commemberssun da quel avis.

Art. 10

Votumaziuns vegnan fattas aviertamaing, schi nu vain dumondà e decis avant la votumaziun il möd da vuschar cul scrutin. Pro tschernas decida la majurità absoluta (mità da las vuschs validas plus üna) e tar votumaziuns la majurità relativa.

Tar parità da vuschs das-cha il president dar la vusch da tagl. Mincha radunanza clamada aint es competente per decider.

Ils delegiäts per la radunanza da delegiäts chantunala vegnan decis da la suprastanza tenor las prescripziuns da la società da pes-chäders chantunala.

Art. 11

Per administrar ils affars e per rapreschentar la società vers l'extern tscherna la radunanza generala üna suprastanza.

Quella consista da set commembers:

- a) Ün (a) president (a)
- b) ün (a) vicepresidente (a)
- c) ün (a) chaschier (a)
- d) ün (a) actuar (a)
- e) ün (a) administradur (a) da material
- f) duos assessuors (assessuoras).

La suprastanza vain tschernüda per la dürada da duos ons ed ella po gnir reeletta.

- a) Il president maina la radunanza, el rapreschainta la società vers l'extern, pissera cha las decisiuns trattas in Società vegnan realisädas e preschainta l'ultim da l'on ün rapport sur dal stadi e da las activitads da la società d'urant l'on scuors. El maina insembel cul actuar la suotascriptiun impegnativa.
- b) Il vicepresidente sustegna il president in sia funcziun e til rapreschainta in cas d'impediment.
- c) Il chaschier es responsabel per la chascha. El maina üna controlla precisa dals commembers e dà a la fin da l'on da società ün rapport sur da la facultà da la società e da las finanzas.
- d) L'actuar maina ils protocols da las radunanzas e da las sezzüdas da la suprastanza ed evada lavuors in scrit, cha'l president til suottametia.
- e) Il schef da material es responsabel pel mantegnimaint e la controlla dal material da la società. El sto organisar il material necessari per minch'occorrenza. El sto manar üna glista da material (inventar).
- f) Ils assessuors sustegnan ils oters commembers da la suprastanza in lur funcziun ed han da substituir a quists in cas da bsögn. Ün dals assessuors es tanter oter responsabel per la communicaziun e'l sustegn dals pes-chäders novs e giuvens.

Art. 12

Ils revisuors da quint han da controllar la contabilità e'l stadi da la chascha, sco eir da tuot l'inventar. Els preschaintan ün rapport a la radunanza generala.

Art. 13

La suprastanza munischa eir la lavur d'ün'uscheditta cumischiun tecnica. Las incumbenzas da quista cumischiun cumpiglian tuot ils interess chi han dachefar culla pes-cha.

FINANZAS

Art. 14

La chascha da la società vain spigiantada da las cuntribuziuns annualas dals commembers, dals fits raggiunts dal conto sün banca, eventualas subvenziuns, guadogns da las singulas occurrenzas e da rechavs e donaziuns voluntarias.

Art. 15

Our da la chascha da la società vegnan pajadas las cuntribuziuns annualas a la società da pes-cha chantunala, ils cuosts per la cumprita e'l mantegniment dad urdegns da la società, expensas per sustgnair ils interess da la pes-cha e las solitas spaisas da l'administraziun.

Art. 16

Per expensas extraordinarias stan 800.-- francs l'on a disposiziun da la suprastanza.

Art. 17

La facultà da la società es da plazzar cun üna sgürezza tutelara sün ün conto pro üna da las bancas chi's rechattan in cumün.

Art. 18

Per impegni o obligs da la società sta bun be la facultà da quella. Üna responsabilità privata e persunala dals singuls commembers es esclusa.

DISPOSIZIUNS FINALAS

Art. 19

Üna revisiun dals statüts po gnir fatta tras la radunanza generala cun üna majurità da duos terz da las vuschs dals preschaints.

Art. 20

- g) Ün eventual schoglimaint da la società po subentrar pür scha'l nomer dals commembers activs importa damain da 11 e schi nun es da far quint cha quel crescha infra temp ütil.
- h) La facultà da la società es in quist cas da depuoner pro'l cumün da Zernez, fin chi s'ha darcho fuormada a Zernez üna società cul medem scoppo e las listessas meras.

Art. 21

Quists statüts sun gnüts acceptats da la radunanza da la Società da pes-chäders Zernez als 19 avrigl 2002 e rimplazzan ils statüts dals 15 avrigl 1975.

Els aintran in vigur davo esser stats approvats als 13 october 2002 da la suprastanza chantunala e rimplazzan tant ils statüts vegls sco eir tuot las decisiuns protocolladas i'l passà.

Per la Società da pes-chäders Zernez

Il president:

Marco Eichholzer

L'actuar:

Julian Gilly